

Grad Novi Pazar
Skupština grada
Odbornička grupa SDA Sandžaka
Novi Pazar
19. mart 2023. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O PODNOŠENJU IZVJEŠTAJA O RADU GRADONAČELNIKA ZA 2022. GODINU**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja će se održati 20. marta 2023. godine.

Predsjednik odborničke grupe
mr. Ahmedin Škrijelj

PRIJEDLOG

Na osnovu člana 32. stav 1, tačka 20) i člana 48. Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 70 i člana 147. Statuta grada Novog Pazara („Službeni list grada Novog Pazara“, broj 6/19), i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 20. marta 2023. godine donosi

O D L U K U

o podnošenju izvještaja o radu Gradonačelnika za 2022. godinu

Član 1.

Obavezuje se Gradonačelnik da Skupštini grada dostavi na razmatranje izvještaj o radu za 2022. godinu.

Izvještaj iz stava 1. ovog člana sadrži informacije u vezi preduzetih mjera i aktivnosti iz nadležnosti Grada utvrđene članom 20. Zakona o lokalnoj samoupravi i člana 15. Statuta grada Novog Pazara, a naročito:

1. Informaciju o izvršavanju odluka i drugih akata Skupštine grada;
2. Informaciju o odlukama, javnim politikama i drugim dokumentima koji su predloženi Skupštini grada i Gradskom vijeću, kao i informaciju o njihovoj realizaciji (ukoliko su prihvaćeni);
3. Informaciju o iniciranim, predloženim i realizovanim projektima i sprovedenim mjerama iz oblasti infrastrukture, obrazovanja, kulture, socijalne, zdravstvene i dječije zaštite, životne sredine, komunalnih djelatnosti, sporta, poljoprivrede, turizma, ekonomskog razvoja, ostvarivanja posebnih potreba osoba sa invaliditetom, i dr;
4. Informacija o realizovanim projektima i preuzetim mjerama u cilju unapređenja položaja Bošnjaka u Gradu Novom Pazaru;
5. Informacija o realizovanim projektima i preduzetim mjerama u oblasti sigurnosti i zaštite života građana;
6. Informacija o broju projekata (sa iznosom sredstava) koji su finansirani od stranih donatora a koji su se realizovali u 2022. godini ili je realizacija planirana u toku 2023. godine;

7. Informacija o ostvarenoj međunarodnoj saradnji sa lokalnim samouprava ili regijama sa kojima grad Novi Pazar do sad nije sarađivao;
8. Informacija o ostvarenoj saradnji sa Vladom Republike Srbije;
9. Informaciju o službenim putovanjima i isplaćenim dnevnicama po tom osnovu.

Izveštaj iz stava 1. i 2. ovog člana sadrži i Informaciju o ostvarivanju nadležnosti Gradskog vijeća iz člana 46. Zakona o lokalnoj samoupravi.

Član 2.

Izveštaj iz člana 1. ove odluke Skupština grada razmatraće na prvoj narednoj sjednici.

Član 3.

Ovu odluku objaviti u "Službenom listu grada Novog Pazara".

SKUPŠTINA GRADA NOVOG PAZARA

Broj:

U Novom Pazaru, 20. marta 2023. godine

PREDSJEDNIK

Dr. Anela Šemsović

O B R A Z L O Ž E N J E:

Pravni osnov za donošenje odluke:

Pravni osnov za donošenje ove odluke je sadržan je u:

- članu 32. stav 1. tačka i 20) i članu 48. Zakona o lokalnoj samoupravi;
- članu 70. Statuta grada Novog Pazara;
- članu 147. Statuta grada Novog Pazara;
- članu 137. Poslovnika Skupštine grada Novog Pazara.;

Razlozi za donošenje odluke:

Skupština grada od svog konstituisanja 17. avgusta 2020. godine nije razmatrala izvještaj o radu Gradonačelnika iz razloga jer isti nikada nije ni podnijet Skupštini grada na razmatranje. Zakon o lokalnoj samoupravi članom 48. propisuje obavezu da Gradonačelnik najmanje jednom godišnje, Skupštini grada, podnese izvještaj o radu.

Donošenjem ove odluke, pored ispunjenja zakonom propisane obaveze, Skupština grada uvodi princip transparentnosti i odgovornosti u radu izvršnih organa grada Novog Pazara. Ovom odlukom odnosno eksplicitnim poštovanjem načela vladavine prava, po kome se vlast povinuje zakonu i obavezama koje iz zakona proističu, otklanja se neodgovornost i nezakonitost u radu Gradonačelnika.

Objašnjenje pojedinačnih rješenja propisanih ovom odlukom:

Član 1: Utvrđena je obaveza Gradonačelnika da Skupštini grada podnese izvještaj o radu, istim članom je utvrđena i struktura tog izvještaja odnosno njegovi sastavni dijelovi.

Član 2: Propisano je da će izvještaj iz člana 1. biti razmatran na prvoj narednoj Skupštini grada, čime je određen i rok u kom izvještaj treba biti dostavljen imajući u vidu zakonom propisanu obavezu u pogledu vremenskog intervala između dvije sjednice Skupštine grada.

Član 3: Propisana je obaveza objavljivanja u ove odluke u „Službenom listu grada Novog Pazara“

Finansijska sredstva za sprovođenje ove odluke obezbijediće se u budžetu Grada Novog Pazara.

